

VENDIM
Nr. 854, datë 30.12.2021

**PËR MIRATIMIN E FORMATIT TË VIZËS PULLË DHE TË VIZËS
ELEKTRONIKE**

Në mbështetje të nenit 100 të Kushtetutës dhe të pikës 3, të nenit 21, të ligjit nr. 79/2021, “Për të huajt”, me propozimin e ministrit për Evropën dhe Punët e Jashtme dhe të ministrit të Brendshëm, Këshilli i Ministrave

VENDOSI:

1. Miratimin e formatit të vizës pullë dhe të vizës elektronike, sipas anekseve që i bashkëlidhen këtij vendimi.

2. Vendimet e Këshillit të Ministrave nr. 493, datë 6.5.2009, “Për miratimin e formës, të përmbajtjes dhe elementeve të sigurisë së vizës pullë”, dhe nr. 655, datë 27.8.2020, “Për miratimin e formës, të përmbajtjes dhe elementeve të sigurisë së vizës elektronike”, shfuqizohen.

3. Ngarkohen Ministria për Evropën dhe Punët e Jashtme dhe Ministria e Brendshme për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama

Aneksi I

Përshkrimi dhe karakteristikat teknike të vizës pullë

Pulla vizë do të prodhohet sipas standardit ID-2, ICAO 9303, në konformitet me kriteret që përmbush viza Shengen. Karakteristikat teknike jepen si më poshtë:

I. Formatimi i pullës dhe pullës vizë

Pulla do të ketë dimensionet e përgjithshme 102x115 mm, ndërsa pulla-vizë vetë do të jetë 74x105 mm, siç përcaktohen nga standardi ID-2, ICAO 9303 (*shih modeli i vizës pullë*).

II. Modelimi i pullës vizë

Viza do të përmbajë (*shih modeli i vizës pullë*):

1. Elementin e sigurisë bazë, kinegramën, me dimensione 20x25 mm, i cili do të vendoset në pjesën e sipërme majtas.
2. Fushën ku është përcaktuar vendosja e fotos, me dimensione 30x30 mm, poshtë kinegramës.
3. Bandën me shtyp sigurie të titullit, ku do të shkruhet teksti "VIZË", 47x10 mm.
4. Numrin serial me shtatë shifra, që do të vendoset në fushën sipër djathtas me dimensione 28x10mm.
5. Fushën e tekstit me sfond sigurie ku do të bëhet personalizimi me të dhëna të printuara me ngjyrë të zezë, me dimensione 75x42 mm.
6. Fushën ku do të printohet "Kodi i lexueshëm me makinë" (KLM), sipas standardit të ICAO, me dimensione 105x22 e që do të jetë në pjesën e poshtme të pullës vizë.
7. Kondravezat, së bashku me dimensione 14x105, të pajisura me të njëjtin numër serial si të vizës.

III. Letra

Pulla do të prodhohet me letër sigurie të veçantë për vizat, me adeziv të fuqishëm aq sa të shkatërrojë pullën tentativë për ta shkaputur atë nga pasaporta ku është ngjitur. Letra do të përmbajë fibra fluoreshente, të padukshme, dylojesh, dhe do të jetë pa ndriçim optik nën dritën e llampës UV. Letra do të jetë e ndjeshme ndaj reagentëve kimikë, acideve dhe alkaleve, si dhe të lejojë personalizimin cilësor me teknikë printimi me bojë ("ink-jet") dhe manualisht.

IV. Shtypi

Teknikat e shtypit që do të përdoren për përgatitjen e pullave, do të jenë: shtyp ofset ("offset"), shtyp i thellë ("intaglio") dhe shtyp letërpres ("letterpress") për numratorët.

V. Elementet e sigurisë

Do të përdoren këto elemente sigurie:

- Sfond sigurie me motive gijosh ("Guilloche") duke përfshirë dhe shtypin ylber.
- Shtyp UV i padukshëm në dritë normale, i dukshëm nën dritën UV: tekst dhe shqiponjë e stilizuar mbi hartën e Shqipërisë.
- Mikrotekst, i cili do të jetë i dallueshëm vetëm me lupë zmadhimi dhjetëherëshe. Mikroteksti do të formohet me shkrimet "Republika e Shqipërisë", i alternuar me tekstin në anglisht "Republic of Albania".

- Element OVI, bojë që ndryshon ngjyrë nga këndi i shikimit, në të cilën do të jetë i kompozuar për shtyp teksti "AL".
- Imazhi latent ("latent image"), figuracion që shfaqet me ndryshim këndi, ku do të jetë simboli "RSH".
- Numratori serial do të jetë në ngjyrë të zezë do të floureshojë në ngjyrë jeshile nën dritën e llampës UV. Numratori do të ketë shtatë shifra dhe do të fillojë me gjerat kapitale "AL"

VI. Tekstet dhe simbolet

Tekstet dhe simbolet që do të ketë të kompozuar pulla vizë, sipas modelimit të saj do të jenë:

- RSH,
- AL,
- Republika e Shqipërisë/Republic of Albania
- Stema e Republikës,
- Harta e Shqipërisë,
- Shqiponja e stilizuar.

VII. Kinegrama


Kinegrama do të përbëhet nga tre plane, të cilat shfaqin figura ose simbole, si dhe tekste të ndryshme në varësi të këndit të shikimit. Figurat, simbolet dhe tekstet do të jenë ato të përshkruara si më sipër (parag.IV), të cilat veç shfaqjes në kinegramë do të shfaqen në shtypin e vizës sipas pozicioneve të përcaktuara gjatë modelimit.

VIII. Teksti në pullën vizë

Në "fushën e titullit" (shih modeli i vizës pullë), me teknikat e shtypit si më sipër, shfaqet me gjerat kapitale teksti:

VIZË

Në "fushën e tekstit" (shih modeli i vizës pullë), shfaqen me gjerat kapitale rubrikat në tri gjuhë: shqip, anglisht dhe frëngjisht.



AL0000005



E VLEFSHME PËR
VALID FOR
VALABLE POUR

NGA
FROM
DU

DERI
UNTIL
AU

TIPI I VIZËS	NUMRI I HYRJEVE	AFATI I QËNDRIMIT	DITË
TYPE OF VISA	NUMBER OF ENTRIES	DURATION OF STAY	DAYS
TYPE DE VISA	NOMBRE D'ENTREES	DUREE DE SEJOUR	JOURS

LËSHUAR NË
ISSUED IN
DELIVERE A

MË
ON
LE

NUMRI I PASAPORTËS
NUMBER OF PASSPORT
NUMERO DE PASSEPORT

MBIEMËR/ EMËR
SURNAME, NAME
NOM, PRENOM

SHËNIME
REMARKS
REMARQUES

Aneksi 2

Përshkrimi dhe karakteristikat teknike të vizës elektronike

Forma dhe përmbajtja e vizës elektronike është si vijon:

I. Viza Elektronike do të jetë e printueshme në printer bardhë e zi, dokument format A4, PDF

II. Modeli i Vizës Elektronike

Viza elektronike do të përmbajë:

- Bandën e titullit, ku në krye në qendër vendoset Stema e Republikës së Shqipërisë, në rreshtin e dytë shkruhet teksti "ELECTRONIC VISA"/ " REPUBLIC OF ALBANIA"/ "AL0000000e", ku vendoset Nr. identifikues i Vizës në sistem
- Numri identifikues i vizës në sistem do të jetë me 8 karaktere dhe në fillim gjerat AL
- Fushën ku është përcaktuar vendosja e fotos (G1)
- Fushën ku printohen të dhënat e që ruhen në MRZ (G2)
- Fushën ku do të printohet "Kodi i lexueshëm me makinë" (MRZ)

III. Tekstet dhe simbolet

Tekstet dhe simbolet që do të ketë të kompozuar viza elektronike, sipas modelimit të saj do të jenë:

- Stema e Republikës,
- Republika e Shqipërisë/Republic of Albania
- AL
- Harta e Shqipërisë

IV. Teksti në vizën elektronike

1. Grupi i të dhënave G2, që përmban informacion mbi vizën, autoritetin lëshues, shtetasin e huaj posedues të vizës,
2. Dokumenti do të gjenerohet në format A4, PDF do të përmbajë dhe Kodin QR.
3. Kodi QR do të përdoret për të ruajtur të dhënat në format binar. Ky kod duhet të dëshifrohet nga lexuesi i pasaportave në PKK, nga telefoni celular etj.
4. Për konfigurimin e kodit QR, duhet të krijohet LDS (Logical Data Structure) duke përdorur MRZ (Zonën e lexueshme nga makina) të Vizës në DGI (Fotografia në vizë) dhe foton në DG2 (Grupi i të dhënave në vizë).
5. LDS nënshkruhet dhe krijohet SOD (Document Security Object)
6. Më tej SOD dhe LDS duhet të ruhen në Kodin QR, i cili do të printohet në vizën elektronike në format PDF dhe nëse skanohet, qoftë dhe nga telefoni, pasqyron të gjitha të dhënat e Vizës.

7. Kodi QR, i cili do të printohet në vizën elektronike në format PDF, të përfshijë edhe të dhënat e pasaportës së aplikantit.
8. Dokumenti administrativ elektronik, përmban të dhënat e vulës elektronike të konvertuara vizualisht sipas formatit të mëposhtëm:

Paraqitja grafike e vulës së institucionit / (nëse është e aplikueshme)

Emri i institucionit lëshues

Data dhe ora e vulosjes - sipas vulës kohore - timestamp

Vlerën në hexadecimal / enkodim në string alfanumerik të hash të dokumentit apo vulës elektronike, të shfaqur në format të lexueshëm text apo në kod 1- apo dydimensional.

Shënim:

Ky dokument është gjeneruar dhe vulosur me anë të një procedure automatike nga një sistem elektronik (emri i institucionit përkatës).

9. Forma e vulës elektronike është drejtkëndore dhe përmasat e saj nuk duhet të kalojnë 40% të gjerësisë së dokumentit apo 30% të lartësisë së tij (shembull: për formatin A4 – 84mm horizontalisht dhe 89mm vertikalisht);
10. Vula elektronike vendoset në pjesën e fundit, të faqes së fundit të dokumentit.
11. Për qëllime të vërtetimit të vlefshmërisë së dokumentit me vulë elektronike të printuar në letër mjafton skanimi i QR code që të gjeneron adresën elektronike në të cilën dokumenti administrativ elektronik aksesohet përgjatë kohëzgjatjes së ciklit jetësor të tij, URL sipas specifikimeve të RFC 3986.



Electronic -VISA REPUBLIC OF ALBANIA

AL0000000e

FOTO

E VLEFSHME PËR
VALID FOR
VALABLE POUR

NGA
FROM
DU

DERI
UNTIL
AU

TIPI I VIZËS
TYPE OF VISA
TYPE DE VISA

NUMRI I HYRJJEVE
NUMBER OF ENTRIES
NOMBRE D'ENTRÉES

AFATI I QËNDRIMIT
DURATION OF STAY
DURÉE DE SÉJOUR

QTE
DAYS
JOURS

LËSHUAR NË
ISSUED IN
DELIVRÉ A

MË
ON
LE

NUMRI I PASAPORTËS
NUMBER OF PASSPORT
NUMERO DE PASSEPORT

MBIEMËR, EMËR
SURNAME, NAME
NOM, PRÉNOM

SHËNIME
REMARKS
REMARQUES



Evropëndhe Punët e Jashtme
Date: 2020/05/13 12:54:51 +0200
3192842020051312544339012
Digitally sealed by Ministry of Foreign
Affairs
Date: 2020/05/13 12:54:51 +0200
3192842020051312544339012

Shënim : Ky dokument është gjeneruar dhe vëlosur me anë
të një procedure automatikë nga një sistem elektronik (Ministri për
Evropëndhe Punët e Jashtme)

Note: This document is generated and sealed by an automatic procedure in
an electronic system (Ministry of Foreign Affairs)

